

本草匯纂

五
六



治瘰癧單方

用七八寸長大鯽魚一條去腸洗淨填滿明礬

以桑柴灰燒其拂去炭灰連礬研細積加水

呂宋裝大磁瓶或磁碗密封瓶口不洩已不洩

以清油調塗外以細布包信隔三日一換亦效



南京中醫藥大學圖書館版權所有

本草匯纂卷五

孝感屠道和燮臣輯

下氣

荆三棱 端入肝 味苦氣平 大破肝經血分破血中之氣

治氣脹破積氣通肝經積血消瘡腫堅硬食停膈痛老癰癥
瘕積聚結塊婦人血脈不調心腹痛通月水產後腹痛血暈
下乳汁墮胎利氣止痛功近香附而力峻同血藥則通血同
氣藥則治氣按化積必藉氣運若專用剋伐則氣愈不運
積安得去須輔以健皮補氣藥爲要出荆地色黃體重若
鯽魚而小者良今世所用皆草三棱醋浸炒或麪裏煨

旋覆花 入肺大腸 性辛溫味苦鹹微毒下肺氣消痰結



筋傷
筋傷
筋傷

一名金沸草。性主下降。除頭目風。心脾伏飲。脇下脹滿。胸
上痰結。唾如膠漆。風氣溼痺。皮閒死肉。目中眇瞤。大腹水腫。
行痰水。治噫氣。消堅軟痞。利大腸。通血脈。定驚悸。筋斷搗汁。
滴傷處。以滓敷上。半月即愈。時珍曰。凡藤蔓多象人之筋。故
治筋病。多用旋覆花。藤細如筋。可咬。故能續筋。敷傷。仲景治
傷寒汗下後。心下痞堅。噫氣不除。有旋覆花代赭石湯。噫氣
即噎氣也。經曰。五氣所病。心爲噫。又曰。寒氣客於胃。厥逆從
下散上。復出於胃。故爲噫。噫氣多屬氣虛。三焦失職。清無所
歸。濁無所降。然亦有痰有火有食。仲景立此以治傷寒汗下
後胃虛。內用人參甘草以扶正。薑棗以和中。旋覆花旋轉陰
中。阻格之陽。升而上達。赭石使戀陽留滯之陰降而下行。然

後參甘大棗可收補虛之功。生薑半夏可奏開痞之效。陰虛勞嗽風熱燥欬皆忌。若誤用之其嗽必甚。且走散之藥冷痢大腸虛寒者切忌。花類金錢菊去皮蒂蕊殼蒸用。湯劑須用絹包煎。恐其毛入肺作嗽。

杏仁 喘入肺 辛苦甘溫潤利有小毒散肺氣分風寒下氣除喘解肌潤燥宣滯行痰 治時行頭痛去頭面諸風氣瘡皰喘嗽上氣喘促雷鳴喉痺驚癇心下煩熱急滿痛上焦風燥胸膈氣逆腹痺不通大腸氣秘溫病腳氣蠱痛瘡疥狗毒麴毒錫毒金瘡殺蟲消腫 入天門冬煎潤心肺和酪作湯潤聲氣 東垣論杏仁與紫苑均屬宣肺除鬱開溺但紫苑主泄肺中之血杏仁主下肺中之氣 與桃仁俱治便秘而



杏仁治其脈浮氣喘便秘於晝而見。桃仁治其脈沈狂發便
秘於夜而見。馮楚晚論杏仁括萆均屬除痰而杏仁從膝
裏中發散以祛故表虛者最忌括萆從腸胃中清利以除故
裏虛者切忌。用杏仁以治便秘須用陳皮以佐則氣始通
脈浮者屬氣用杏仁陳皮脈沈者屬血用桃仁陳皮肺與大
腸爲表裏賁門在胃口之上主往來魄門卽肛門主收納爲
氣之通道故並用陳皮佐之。至久服令人鬚眉髮落亦是
耗氣之故。陰虛喘嗽及亡血與表虛者均未可妄投。去
皮尖炒研發散連皮尖研雙仁者殺人得火良惡黃耆黃芩
葛根。醫餘云索麴豆粉近杏仁則爛是杏仁能消其積也。
狗咬傷瘡嚼爛杏仁以塗卽愈是能解狗毒也。諸瘡腫痛

用杏仁去皮研攄取膏入輕粉麻油調搽神效是能治瘡瘍毒也。目中翳遮但瞳子不破用杏仁三升去皮麪裹作三包糠火煨熟去麪研爛壓去油每一錢入銅碌一錢研勻點之是能治目翳也。

枳殼 喘入肺胃及大腸。苦酸微寒無毒。功喘下氣行痰開胸利肺開胃破胸膈以上之氣而使之下行。治反胃霍亂風痺淋痺食積欬嗽背膊悶倦胸膈痰滯心腹結氣兩脇脹虛關膈壅塞癥結疝癖水腫泄痢裏急後重腸風淋閉痔腫散結消脹除痞止風痛炙熟熨痔腫。但損胸中至高之氣雖可束胎瘦胎然必氣實可投若虛而用之則不免有虛虛之禍。且大損真元彼脹滿因於邪實者可用若因土虛不

能制水肺虛不能行氣而誤用之則禍不旋踵如氣弱脾虛以致停食痞滿法當補中益氣則食自化痞自消若再用此破氣是抱薪救火矣 王好古曰枳實佐以參朮乾薑則益氣佐以硝黃牽牛則破氣故本經先言益氣復言消痞 昔潮陽公主難產方士進瘦胎飲用枳殼四兩甘草二兩五月後日服一錢潔古改以枳朮名束胎丸寇宗奭謂瘦胎束胎二藥予甚不然蓋孕婦全賴血氣以養胎血氣充實胎乃易生彼公主奉養太過氣實有餘故可服之若概施則誤矣 時珍曰八九月胎氣盛壅用枳殼蘇梗以順氣益胎前無滯則產後無虛若氣弱者則忌 陳者良麴炒用

枳實 耑入脾胃 苦酸微寒無毒散胸膈以下實氣 較殼



雖小。然性酷下。氣最迅。有推墻倒壁之功。不似枳殼體大氣散。而僅爲利肺開胸寬膈之味。解傷寒結胸。上氣喘咳。胸脇痰癖。心下急痞痛。逆氣。脇風痛。胃中溼熱。火風在皮膚中。如麻豆苦痒。逐停水。消脹滿。破積堅。止澹泄。腎內傷冷。陰痿。而有氣加而用之。枳實與枳殼主治略同。但枳實利胸膈力猛。枳殼寬腸胃力緩。氣在胸中。則用枳殼。氣在胸下。則用枳實。雖古有云。枳殼治氣。枳實治血。然氣行則血自通。究皆利氣之品。而非通血之劑。同白朮則可調脾。同大黃則可推蕩。若氣虛痞滿。而用枳實枳殼。則與抱薪救火者無異矣。時珍曰。自飛門至魄門。皆肺主之一氣而已。蓋三焦貴相通也。而臟腑最喜清利。故又云益氣。

本草綱目卷五
去內第二項
諸多不海
的皆跟跟者
的未詳中何
種本草指
錄以盡去
為快

蕎麥 耑入腸胃。味甘性寒。降氣寬腸。消積去穢。消熱腫。

風痛。除白帶白濁。皮利泄洩。以沙糖水調炒麴二錢服。敷痘。

瘡癩爛湯火灼傷。去氣盛溼熱。實腸胃益氣力。續精神。

疾及絞腸痧腹痛。炒焦熱水衝服。小兒丹毒赤腫熱瘡。醋。

調塗極妙。蓋味甘入腸。性寒泄熱。氣動而降。能使五臟滯。

滯皆能鍊化。俗言一年沈積在腸胃者。即去也。但脾胃虛。

寒者勿食。食則令人頭眩。作麴和猪羊肉食。則鬚眉脫落。

又不可合黃魚食。皆性動降之故。燒灰淋汁。即鹼同化。

石灰能去壓肉。

平瀉

沙參 耑入肺。甘苦而淡。性微寒無毒。體輕入肺。清熱泄火。

補肺陰。養肝氣。宣五臟風氣。治久嗽肺痿。頭痛胸痺。心腹
痛。驚氣煩熱。皮肝邪熱。皮肌浮風。常欲眠。疝氣下墜。瘰癧。惡瘡。
疥癬。身癢。排膿消癰腫。寒客肺中。作嗽者。勿服。至言補
肺。養肝。及益脾腎。皆是從子母受累。推究而出。服此肺不受
刑。子母相安。卽肝亦不受累。諸臟並見安和。非真能補陰
也。熱在於肺。能清肺熱。則陰不受累。故書言人參補五臟之
陽。沙參補五臟之陰。凡書所載藥性補瀉。類多如斯。不獨
沙參爲然。似人參而體鬆白實長大者良。生沙地者長大。
生黃土者瘦小。惡防己。反藜蘆。

薏苡仁 崑入肺脾胃。味甘而淡。性微寒。屬土。色白無毒。乃
陽明藥也。上清肺熱。下理脾溼。升少降多。治肺痿肺癰。咳

吐膿血涕唾上氣風熱筋急拘攣除筋骨中邪氣不仁療水
腫溼痺疝氣泄痢熱淋墮胎利小便止消渴殺虻蟲破腫毒
去乾溼腳氣太驗健脾益胃補肺清熱勝溼祛風但此性
力和緩用之須倍他藥若津枯便秘陰寒轉筋及有孕婦
女不宜妄用殺虻取根同糯米煮熟或鹽湯煮通用筋
爲厥陰所主而亦藉陽明胃土以爲長養蓋陽明胃土內無
溼熱以淫則上不薰蒸於肺以致肺熱葉焦則宗筋亦潤宗
筋潤則筋束而機關利凡痿厥多因肺熱葉焦而機關不利
故治痿則獨取於陽明薏苡清熱除溼實爲治痿要藥震
亨曰寒則筋急熱則筋縮急因於堅強縮因於短促若受溼
則弛弛則引長然寒與溼未常不挾熱三者皆因於溼然外

溼非內溼敗之不成病。故溼多因酒。而魚肉繼之甘滑。陳久
燒炙。並辛香。皆致溼之因也。筋急寒熱。皆有因熱者。固當用
薏苡清熱除溼。因寒者又當散寒除溼。不宜用此清熱之劑。
麥冬 耑入心肺。味甘微苦微寒。甘多寒少。潤肺清心。瀉熱
有類天冬。但彼所主在肺。此則在肺而並在心。消痰行
水。生津止嗽。解熱除煩。療時疾熱狂。頭痛熱毒。大水面目肢
節浮腫。治肺痿吐膿。止嘔吐。同人葠則能復脈生津。名生脈
散。清肺中伏火。補心氣不足。療身重目黃。心下支滿。心腹
結氣。虛勞客熱。暑傷元氣。脈絕短氣。口乾燥渴。強陰益精。消
穀調中。止血妄行。及經水枯。乳汁不下。腸中傷飽。羸瘦短氣。
定肺保神。安魂定魄。久服輕身明目。和車前地黃丸服去。

溼痺變白夜視有光斷穀爲要藥

但性寒而潤虛寒泄瀉

者勿用

肥白而大者佳去心入滋補藥酒潤或拌米炒黃

地黃車前爲使惡款冬苦參青箱木耳忌鯽魚熬膏良

益

肺朝百脈脈屬心心燥則肺金失養而脈絕心清則氣卽充

而脈復麥冬氣稟清肅能於心中除煩由於肺清則水得生

而心不煩譬如人當盛暑則燔灼不甯若值秋風一至則炎

熱頓解而無燥鬱不堪之候東垣曰人參甘寒瀉火熱而

益元氣麥冬苦寒滋燥金而清水源五味酸溫瀉丙火而補

庚金益五臟之氣治嗽須分內傷外感如外感則聲盛而

濁先緩後急日夜無度痰涎稠粘而喘急內傷聲怯而槁

先急後緩或早甚或暮甚清痰少氣而喘乏外感則其發

必暴。或爲寒熱。或爲氣逆。或爲鼻塞聲重。頭痛。輕者脈亦和緩。重者脈見弦洪。內傷其發有漸。或素有勞積虛損。日漸以甚。其症或爲寒熱潮溼。或爲形容瘦減。或兩顴常赤。或氣短喉乾。其脈輕亦微數。重必細數弦緊。痿證有五。按經言肺熱葉焦。皮毛虛弱急薄以着。則症見足弱不能以行。心熱火炎下厥。則症見筋縱不能任地。肝熱口苦血乾。則症成拘攣筋痿。脾熱胃乾而渴。肌肉不仁。則症發爲肉痿。腎熱腰脊不舉。骨枯髓減。則症發爲骨痿。獨肺熱葉焦。高源化絕。則諸臟不得仰肺灌溉。故痿獨推於肺。而治痿又責重於陽明。

百部 喘入肺 甘苦微溫無毒潤肺除寒殺蟲止嗽 治咳
嗽上氣火炙酒漬飲之 除一切蠱毒及傳屍骨蒸寒嗽暴

嗽久嗽疳積疥癬殺虻蠅虱及樹木蛀蟲觸煙卽死去寸

白蟲蠱蠶咬毒但傷胃滑腸脾胃虛人須與補氣藥並行

根多隊成故以百名取肥實者竹刀劈去心皮酒浸焙研

百合 崱入心肺味甘淡性平微寒無毒清心肺餘熱治

百合病止嗽定膽益氣補中斂氣養心安神定魄除浮腫

臃脹痞滿寒熱通身疼痛顛邪狂叫驚悸喉痺心痛心下急

滿腹脹百邪鬼魅涕淚不收腳氣熱欬產後血狂暈乳癰脇

癰發背諸瘡腫善通二便心急黃宜蜜蒸食之但中寒

下陷者忌之初嗽者不宜遽用花白者入藥百合之甘斂

勝於五味之酸收蓋久嗽之人肺氣必虛虛則宜斂涕淚

係肝膽之邪有寒有熱不可概作熱經曰肺爲涕肝爲淚心

爲汗脾爲涎腎爲唾

石斛 耑入脾腎 甘淡微鹹性平微寒無毒入脾除虛熱入

腎瀼元氣 治發熱自汗傷中除痺下氣逐脾膚邪熱痹氣

補五臟虛勞羸瘦安神定驚強陰益精久服厚腸胃健筋骨

強腰膝補腎益力療骨痿風痺腰腳軟弱囊溼精少小便餘

瀝癰疽排膿內塞 長於清胃除熱惟胃虛有虛熱者宜之

若虛而無火者不得混用 但形瘦味淡非先入藥久熬其

汁莫出 且治虛熱補性雖有亦在量病輕重施用 取光

潤如金釵股短中實者良長而虛者味苦名木斛服之損人

去頭根酒浸用惡巴豆畏蠶蠶細剉水浸熬膏更良

鈎藤 耑入心肝 味甘微苦氣平微寒無毒清心熱祛肝風